

tantanau tamna 'untukai

tantanau tamna cenana 'untukai tia cu matianai, na tisikara tantanau, niarakacaua marukurapu matacuvungu. vutunu mataa takuisi tia arumuanu paracasu arapana'u. ngukau mataa rarua tia arumuanu mapunu macu'u karu. rituka mataa takarura, tia arumuanu musuraceni musuvurusai.

cenana isi, tantanau tamna 'untukai, tia pasacarapu ucani vo'orua arumuanu, nguai sua arumuanu pinarupu. ngiau mataa tamcuru, tukupecu nguani manmaan kumakunu vutukuru. imua, tuki cu nguani tassa tia matipa arumuanu pinarupu. maracocua ngiau mataa tamcuru, mukusa ciciri cakuran, to'urung tuisua cai-pan. movua nguani macancani tasu'ua vutukuru kasa, mataa ucani piacapa, macuvungu matiananai cu arumuanu. cucuru saihi pinarupu sua ngiau, koo miaranau, kuratumuru cu vutukuru na nguain tamna kasa. makananu sua tamcuru? makai ka'anu makasua ma'intasu, 'inmamia ka'anu cu upeni ma'u'ura vutukuru.

tia kusai makananu? tia cu matarava takananga, manasu tia savaiun! takususuru vo'in tamcuru, pacupungu makasi "'una cu!" cu'uruun kee ngiau, ka'anu 'esi tarakusa 'inia. musakasakau aranai na ngiau tamna kasa mara vutukuru, mapusikaru na nguain takacicini tamna kasa. makasuin cu

ia, makangucu cu vutukuru na ngiau tamna kasa, sua tamcuru tamna kasa ia, niara'itumuru vutukuru.

marivivini, takutavaru'u sua ngiau, 'esiava tumatiara'u sua tamcuru. arakuracu makasi, tamcuru! narisuvu kasu! ka'anu cu ku tia arumuanu kasua. makasi tamcuru, "ka'anu kasu arumuanu 'ikua, makenanu! arumuanu ku mataa cucumeni." nakai 'akia cucumeni pakituru arumuanu mataa narisuvu tamcuru. ha! ha! 'akia cau tia arumuanu 'ikua, makasuin, iku sua kuan-cin kisun! 'esi 'inia tamcuru takacicini purangrang. nakai sua makasia, 'esi cu'uruun kavangvang cai-pan to'urung. marivivini, sua tamcuru ia, 'akia nganara.

avara'e tia matipa makananu arumuanu, tia kita 'apaica cucuru takacicini tamna 'intasu. makasuin 'apaco'e mu'uru'uru nukai reting, matua tia putucauun na caucau. 'akini kiatuturu na tamcuru, tia pasicuru'un macaca caucau.

(文章大意 僅供參考) ※字數限 200 字

森林運動會

今年的森林運動會，增加了一個新的比賽項目－釣魚比賽。花貓和狐狸特別愛吃魚，牠倆就報名參加釣魚比賽。山羊擔任裁判，發給牠們每人一個魚簍，和一根釣魚竿，花貓很會釣魚，不一會兒牠的魚簍就有滿滿的魚。狐狸只釣到了幾條小魚。狐狸趁花貓不注意的時候，把花貓的魚，放到自己的魚簍裡。這一切都沒逃過山羊裁判的雙眼，狐狸得了倒數第一。無論參加什麼比賽，都要憑自己真正的本領才行，不論是冠軍或者殿後，都會受到大家的尊敬。